



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՈՍՏԻԿԱՆՈՒԹՅԱՆ ՊԵՏԻ
ՆՐԱՄԱՆ



Թիվ 412-Ն

ՈՍՏԻԿԱՆՈՒԹՅԱՆ ԿԱՊԻՏԱՆ Է.Գ.ԹԱԴԵՎՈՍՅԱՆԻՆ
ԿԱՐԳԱՊԱՀԱԿԱՆ ՏՈՒՅԺԻ ԿԱՐԳՈՎ ՀՀ
ՈՍՏԻԿԱՆՈՒԹՅՈՒՆՈՒՄ ԾԱՌԱՅՈՒԹՅՈՒՆԻՑ
ԱԶԱՏԵԼՈՒ ՄԱՍԻՆ

ՀՀ ոստիկանության Երևան քաղաքի վարչությունում կատարված ծառայողական քննությամբ պարզվել է, որ նույն վարչության Նոր Նորքի բաժնի համայնքային ոստիկանության բաժանմունքի տեսուչ, ոստիկանության կապիտան Էդգար Թադևոսյանը 2021թ. դեկտեմբերի 24-ից մինչ օրս, առանց հարգելի պատճառների, մեկ և ավելի աշխատանքային օրեր չի ներկայացել ծառայության:

Այսինքն՝ ոստիկանության կապիտան Էդգար Թադևոսյանը թույլ է տվել «Ոստիկանությունում ծառայության մասին» ՀՀ օրենքի 42-րդ հոդվածի 3-րդ մասի 6-րդ կետով նախատեսված կարգապահական կոպիտ խախտում:

Ոստիկանության կապիտան Էդգար Թադևոսյանին կարգապահական պատասխանատվության ենթարկելու հարցը 2022թ. փետրվարի 18-ին քննարկվել է ՀՀ ոստիկանության կարգապահական հանձնաժողովում, ինչի արդյունքում որոշում է կայացվել միջնորդել ՀՀ ոստիկանության պետին՝ ոստիկանության կապիտան Էդգար Թադևոսյանի նկատմամբ կիրառել «Ոստիկանությունից ազատում» կարգապահական տույժը:

Ելնելով վերոգրյալից, հիմք ընդունելով «Ոստիկանությունում ծառայության մասին» ՀՀ օրենքի 42-րդ հոդվածի 1-ին մասի 8-րդ կետը, նույն հոդվածի 3-րդ մասի 6-րդ կետը և ղեկավարվելով 43-րդ հոդվածի 6-րդ մասով, 45-րդ հոդվածի 1-ին մասի 6-րդ կետով, ինչպես նաև «ՀՀ ոստիկանության կարգապահական կանոնագիրքը հաստատելու մասին» ՀՀ օրենքով՝

ՀՐԱՄԱՅՈՒՄ ԵՄ

1. Կարգապահական կոպիտ խախտում թույլ տալու՝ 2021թ. դեկտեմբերի 24-ից մինչ օրս, առանց հարգելի պատճառների, մեկ և ավելի աշխատանքային օրեր ծառայության չներկայանալու համար՝ ՀՀ ոստիկանության Երևան քաղաքի վարչության Նոր Նորքի բաժնի համայնքային ոստիկանության բաժանմունքի տեսուչ, ոստիկանության կապիտան

Էդգար Գեղամի Թադևոսյանին կարգապահական տույժի կարգով ազատել ՀՀ ոստիկանությունում ծառայությունից:


2. Էդգար Թադևոսյանին՝ վճարել ուսման կամ վերապատրաստման համար պետության կողմից կատարված ծախսերը յոթնօրյա ժակետում՝ 900005001293 հաշվեհամարին:

3. ՀՀ ոստիկանության Երևան քաղաքի վարչության պետ, ոստիկանության գնդապետ Սևան Քոչարյանին՝

- հրամանի մասին սահմանված կարգով և ժամկետում տեղեկացնել ոստիկանության կապիտան Էդգար Թադևոսյանին:

4. Հրամանը հայտարարել ՀՀ ոստիկանության բարձրագույն, գլխավոր, ավագ և միջին խմբերի պաշտոններ զբաղեցնող ծառայողներին:

ՈՍՏԻԿԱՆՈՒԹՅԱՆ ԳԵՆԵՐԱԼ-ՄԱՅՈՐ՝



Վ.Ռ.ՆԱԶԱՐՅԱՆ

« 21 » փետրվարի 2022թ.

քաղ. Երևան